

h

Filmsko bjekstvo iz sarajevskog KPZ-a: Sejfović pucao, pa pobjegao na motoru

Objavljeno: 03.09.2017. u 15:40

U sarajevskom KPZ-u danas je izbila prava drama, kada je jedan od pritvorenika ove ustanove zapucao iz pištolja, a potom i pobjegao iz ove ustanove.

Kako nam je potvrđeno iz izvora bliskog istrazi, iz KPZ-a je pobjegao Amel Sejfović iz Sarajeva, koji je iz pritvora pobjegao na motoru sa kojim ga je čekao saučesnik.

U incidentu niko nije povrijeđen, a kako saznajemo, bjegunac nije upotrijebio oružje prema stražarima, nego je pucao u bravu, kako bi izašao van kruga KPZ-a. Sve se odigralo tokom šetnje u pritvorskoj jedinici, gdje je Sejfović bio u društvu sa još nekoliko osoba.

Nije poznato odakle Sejfoviću pištolj, a s obzirom na to da ga nije oteo od čuvara, pretpostavlja se da mu ga je neko unio u KPZ. Postavlja se pitanje ko i na koji način mu ga je uspio unijeti.

Direktor KPZ-a Sarajevo Amer Softić nije želio davati nikakav komentar, kazavši samo da "imaju neke aktivnosti i nemaju vremena za razgovor s novinarima".

O bjekstvu pritvorenika odmah su obaviještene sve policijske agencije na terenu, kao i pripadnici Granične policije BiH.

Amel Sejfović, podsjećamo, nalazi se u pritvoru zbog pljačke Raiffeisen banke na Ilidži prilikom koje je ubijen slučajni prolaznik Kemo Bašić, a za koju mu se trenutno sudi u Kantonalnom sudu u Sarajevu.

Osim njega, za pljačku su optuženi i Arif Hajradinović, Alma Sejfović i Anel Hajrović.

Prilikom pljačke tukli su uposlenike banke kako bi ih natjerali da otvore sef, odakle su opljačkali oko 300.000 maraka, a tokom bježanja prema Stojčevcu, pucali su na radnike obezbjeđenja koji su krenuli za njima, te tom prilikom pogodili nesretnog Bašića, koji je slučajno naišao na biciklu.

Faktor pratite putem aplikacija za **Android**. Pratite nas i na društvenim mrežama **Facebook** i **Twitter**. Zabranjeno je prenošenje sadržaja bez odobrenja redakcije. Kontaktirajte nas na **redakcija@faktor.ba**.

Najnovije

Najčitanije



SAHRANA U TUZLI

Veliki broj građana na posljednjem ispraćaju Radeta Šimića

3



SUD BIH

Djelomično potvrđena optužnica protiv Šemsudina Muminovića i drugih

5



MIGRANTSKA KRIZA

Posjeta Bihaću i centru Lipa: Cikotić sa komesarkom Johanson razgovarao o migrantskoj situaciji u BiH

5



REAKCIJA

SDBiH o hapšenju svojih članova i funkcionera: Očita je namjera vršenja pritiska na nas, Tužilaštvo štiti kliku u TK

5



UKUPNO IH JE TRI

Narodna kazivanja i vjerovanja: Sutra "udara" prvo džemre, znate li šta je to?

9

KONTAKT

Redakcija
redakcija@faktor.ba
+387 33 944 398
+387 33 944 392

IMPRESSUM

Marketing služba
marketing@simurgmedia.ba
+387 33 944 206
+387 33 944 207

MARKETING

UVJETI KORIŠTENJA

JAVI FAKTORU

SADRŽAJ